



Concello de Barbadás Concellería de Educación

BASES REGULADORAS DO FUNCIONAMENTO DA AULA DE REFORZO DE INGLÉS PARA EDUCACIÓN SECUNDARIA OBRIGATORIA E BACHARELATO CURSO 2018/2019

Artigo 1. Ámbito de aplicación

O ámbito de aplicación é o Concello de Barbadás.

Artigo 2. Concepto

A Aula de Reforzo de Inglés para Educación Secundaria Obrigatoria e Bacharelato é unha medida educativa dirixida a axudar ao alumnado nas súas dificultades escolares ordinarias na materia de lingua inglesa, recoñecendo e reforzando a singularidade de cada alumno/a.

Será xestionado directamente polo Concello de Barbadás a través da Concellería de Educación.

Artigo 3. Destinatarios

Calquera alumno/a matriculado/a durante o presente curso escolar, 2018/2019, en Educación Secundaria Obrigatoria (E.S.O) ou Bacharelato que se atope empadroadado/a no Concello de Barbadás, agás causas excepcionais debidamente xustificadas.

Artigo 4. Número de prazas ofertadas

Será preciso un número mínimo de 8 alumnos/as por clase para que se desenvolva a actividade.

O número máximo será de 12 alumnos/as por clase.

Artigo 5. Criterios de selección

A orde de selección será por rigorosa orde de entrega da solicitude, a excepción das solicitudes que veñan acompañadas de informe do servizo de orientación do centro docente ou informe social, ás que sempre se lle asignará praza.

No caso de que o número de solicitudes sexa maior que o de prazas ofertadas, os/as solicitantes pasarán a formar parte da lista de espera.

As solicitudes presentadas fóra do prazo establecido nas presentes bases, estarán suxeitas á existencia de prazas libres, pasando á lista de espera por orde de entrada en caso de non existir prazas, coa excepción daquelas que acompañen informe do servizo de orientación do centro docente ou informe social que, en todo caso, serán atendidas.





Concello de Barbadás Concellería de Educación

Artigo 6. Procedemento de matrícula

1. O prazo para formalizar a pre-inscrición será dende o 22 ao 26 de outubro de 2018.
Unha vez finalizado o prazo, o día 30 de outubro de 2018 publicaranse as listas provisionais de admitidos e de espera.
2. Os/as alumnos/as seleccionados/as disporán dende o día 30 de outubro ata o 6 de novembro de 2018 ás 13:30h. para facer efectivo, polo menos o primeiro pago do importe, e acreditarlo na Área de Educación.

De non acreditarse o pago da matrícula no prazo establecido perderase o dereito a praza reservada, que será ocupada polo seguinte solicitante na lista de espera.

O chamamento por lista de espera será mediante chamada telefónica. Considerarase como renuncia e polo tanto anularase a inscrición existente na lista de espera:

- A non aceptación da proposta.
- A non recepción de contestación telefónica nun prazo de 48 horas.
- En calquera caso, a non presentación do xustificante de pago no centro nos prazos indicados polo persoal.

As listas definitivas serán publicadas o día 7 de novembro de 2018.

As listas provisionais e definitivas serán publicadas no taboleiro de anuncios e na páxina web do Concello, www.barbadas.es.

Artigo 7. Lugar de presentación de solicitudes

As solicitudes debidamente cumprimentadas presentaranse na Oficina Municipal de A Valenzá e do Concello de Barbadás.

Poderán obterse tanto na propia Oficina Municipal de A Valenzá como a través da páxina web do Concello (www.barbadas.es) . Máis información na Área de Educación (teléfono 988246885).

Artigo 8. Importe e forma de pago

Para os/as alumnos/as de Ensinanza Secundaria Obrigatoria o importe da matrícula será de 20€ por alumno/a e por curso, que se fará efectivo nun único pago.

Para os/as alumnos/as de bacharelato o importe da matrícula será de 90€ por alumno/a e





Concello de Barbadás Concellería de Educación

por curso, que poderá ser abonado:

- En pago único: entre o 30 de outubro e o 6 de novembro ata ás 13:30h.
- En dous prazos:
 - Primeiro pago de 45€ entre o 30 de outubro e o 6 de novembro ata ás 13:30h.
 - Segundo pago de 45€ entre o 8 e o 11 de xaneiro de 2019.

O importe deberá ser satisfeito mediante ingreso bancario no número de conta bancaria que se facilitará no impreso de solicitude.

A devolución do prezo público aboado só será posible por causas debidas á Administración ou debidamente xustificadas polo participante.

Artigo 9. Horarios e lugar das actividades

O calendario a seguir rexerá polo calendario escolar marcado para o curso 2018/2019, considerándose lectivos só os días que nel se fixen como tales.

- Para o alumnado de Educación Secundaria Obrigatoria (E.S.O) as clases comezarán o mércores 14 de novembro de 2018 e rematarán o mércores 5 de xuño de 2019, no seguinte horario:
 - Luns de 19:00h – 20:00h.
 - Mércores de 18:00h – 19:00h
- Para o alumnado de Bacharelato as clases comezarán o martes 13 de novembro de 2018 e rematarán o xoves 6 de xuño de 2019, no seguinte horario
 - Martes de 18:00h – 19:00h.
 - Xoves de 18:00h – 19:00h.

As clases terán lugar nos horarios indicados na Aula de formación (Rúa do Ensino nº5 (A Valenzá)).

Artigo 10. Normas de funcionamento

É obrigatoria a asistencia. A acumulación de sete faltas sen xustificar dará lugar á baixa na actividade sen reivindicación algunha de dereito por parte do participante.

Só se permitirán como xustificantes válidos de falta de asistencia:

- Xustificante médico por enfermidade ou ingreso do alumno ou de familiar co que conviva.
- Por asistencia a exames oficiais cuxo horario coincida coa actividade.

No caso de que o comportamento do/a alumno/a afecte ao normal funcionamento da





Concello de Barbadás Concellería de Educación

actividade, procederase a avisar á familia e a dar o/a de baixa.

A participación nas actividades suporá o cumprimento e aceptación das presentes bases.

O Concello de Barbadás resérvase o dereito a realizar os cambios oportunos que poida considerar necesarios para o correcto funcionamento.

